

Samiti i Diasporës Shqiptare  
“Përmes rrënjëve lartësohemi”



SAMITI **IV**  
DIASPORËS

# AGJENDA

13 — 15 Prill 2026  
Tiranë, Shqipëri

E HËNË - 13 APRIL

TEATRI I OPERAS DHE BALETIT

18<sup>00</sup>

**CEREMONIA E MIRËSEARDHJES**

*Hapja e Samitit IV të Diasporës Shqiptare*

*Dekorimi i Personaliteteve të Diasporës nga Presidenti i Republikës së Shqipërisë*

## E MARTË - 14 APRIL

### PALLATI I KONGRESEVE - SALLA E KONCERTEVE

09<sup>00</sup> - 09<sup>30</sup> **REGJISTRIMI**

09<sup>30</sup> - 10<sup>30</sup> **HAPJA E PUNIMEVE**

*Shfaqje video - histori suksesi*

*Fjala e hapjes: SH.T.Z. Ferit HOXHA - Ministër për Evropën dhe Punët e Jashtme*

*Key note: SH.T.Z. Edi RAMA - Kryeministër i Republikës së Shqipërisë*

### PALLATI I KONGRESEVE - HOLLI KRYESOR

10<sup>30</sup> - 12<sup>30</sup>

#### PANELI 1

### DIASPORA DHE DEMOKRACIA PËRFAQËSUESE NË HAPËSIRËN SHQIPTARE: NGA VOTA TE PËRFAQËSIMI INSTITUCIONAL

*Nën kujdesin e Kuvendit të Shqipërisë, paneli do të trajtojë rolin gjithnjë në rritje të diasporës shqiptare në proceset demokratike dhe politike në vendin e origjinës. Ai fokusohet në sfidat dhe mundësitë që lidhen me përfshirjen e qytetarëve jashtë territorit në zgjedhje, duke analizuar mekanizmat e votimit nga jashtë si dhe nevojën për të kaluar nga një pjesëmarrje simbolike përmes votës drejt një përfaqësimi më të strukturuar dhe institucional të përfaqësimit politik të diasporës. Përmes diskutimeve dhe perspektivave të ndryshme, do të synohet të nxitet një debat më i gjerë mbi mënyrën se si diaspora mund të kontribuojë në forcimin e demokracisë, rritjen e transparencës dhe përmirësimin e qeverisjes në hapësirën shqiptare.*

*Moderator: Z. Blendi Salaj, Gazetar*

*Key note: Z. Niko Peleshi, Kryetar i Kuvendit të Shqipërisë (10 min)*

*Panelistë:*

- **SH.S.Znj. Albulena Haxhiu** - Ushtruese e Detyrës së Presidentes së Republikës së Kosovës dhe Kryetare e Kuvendit të Republikës së Kosovës
- **Z. Afrim Gashi** - Kryetar i Kuvendit të RMV
- **Z. Nik Gjeloshaj** - Zëvendëskryeministër i Malit të Zi
- **Z. Taulant Balla** - Deputet në Kuvendin e Shqipërisë
- **Z. Enkel Rexhepi** - Kryetar i Këshillit Kombëtar Shqiptar - KKSH / Lugina e Preshevës

*Diskutim - P&P*

## PALLATI I KONGRESEVE - SALLA E ALBANOLOGJISË

11<sup>00</sup> - 12<sup>30</sup>

### PANELI 2

#### DIASPORA PARTNER NË BIZNES DHE INOVACION

Nën kujdesin e Ministrisë së Ekonomisë dhe Inovacionit, paneli do të fokusohet në potencialin e diasporës shqiptare si një urë lidhëse për zhvillimin ekonomik, transferimin e njohurive dhe nxitjen e inovacionit në hapësirën shqiptare. Ai do të trajtojë mënyrat se si profesionistët dhe sipërmarrësit e diasporës mund të kontribuojnë përmes investimeve, mentorimit, bashkëpunimeve ndërkombëtare dhe sjelljes së praktikave më të mira në tregun vendas. Paneli do të trajtojë gjithashtu mekanizmat lehtësues dhe bashkëpunimin institucional, duke propozuar zgjidhje konkrete për krijimin e një ekosistemi më të hapur dhe konkurrues. Përmes këtij diskutimi synohet të theksohet roli i diasporës jo vetëm si burim financiar, por si partner real dhe pjesëmarrës në transformimin ekonomik dhe teknologjik të vendit.

Moderator: **Znj. Aurora Sulçe, Gazetare ekonomike, A2 CNN**

Key note: **Znj. Delina Ibrahimaj, Ministër i Ekonomisë dhe Inovacionit (10 min)**

Panelistë:

- **Znj. Laura Plaku** - Drejtore Ekzekutive, AIDA
- **Znj. Elira Kokona** - Drejtore e Përgjithshëm, e Korporatës Shqiptare të Investimeve/AIC
- **Z. Arben Shkodra** - Sekretar i Përgjithshëm, KEK (Këshilli Ekonomik Kombëtar)
- **Z. Ardian Lekaj** - Kryetar i Dhomës së Biznesit të Diasporës Shqiptare
- **Z. Arben Myftari** - Drejtor i Rrjetit Global të Bizneseve të Diasporës
- **Z. Arjan Ymeraj** - Drejtor Ekzekutiv i Agjensisë Startup Albania
- **Z. Adrian Qytetza** - Ekspert i Sigurisë kibernetike

Diskutim - P&P

## PALLATI I KONGRESEVE - SALLA E VETINGUT

11<sup>00</sup> - 12<sup>30</sup>

### PANELI 3

### DIASPORA DHE SISTEMI SHËNDETËSOR

Nën kujdesin e Ministrisë së Shëndetësisë dhe Mbrojtjes Sociale, paneli trajton rolin e rëndësishëm që profesionistët shqiptarë të shëndetësisë në diasporë mund të luajnë në përmirësimin e cilësisë së shërbimeve shëndetësore në vendet e origjinës. Diskutimi fokusohet në transferimin e njohurive, praktikave bashkëkohore dhe teknologjive mjekësore, si dhe në mundësitë për bashkëpunime konkrete mes institucioneve vendase dhe atyre ndërkombëtare ku veprojnë anëtarët e diasporës. Paneli gjithashtu analizon sfidat përfshirë nevojat për politika më mbështetëse, duke theksuar rëndësinë e krijimit të mekanizmave që lehtësojnë angazhimin e tyre të qëndrueshëm. Në këtë kuadër, synohet të evidentohet se diaspora nuk është vetëm një burim ekspertize, por një partner i vërtetë në reformimin dhe modernizimin e sistemit shëndetësor.

Moderator: **Znj. Mira Kazhani, Gazetare**

Key note: **Prof. Evis Sala, Ministër i Shëndetësisë dhe Mirëqenies Sociale (10 min)**

Panelistë:

- **Znj. Anxhela Paparizo** - Drejtore e QSUT
- **Z. Gentian Toshkezi** - Neurokirurg në SHBA
- **Znj. Arsela Prelaj** - Presidente e Shoqatës Ndërsektoriale Evropiane për Inteligjencën Artificiale në Kërkimin shkencor për Kancerin
- **Znj. Egesta Lopçi** - Drejtuese e Njësisë Shkencore në Spitalin Humanitas të Milanos
- **Znj. Rudina Tahiri** - PhD në Biologji Qelizore, “University College London (UCL)”, UK
- **Znj. Jona Doda** - Bashkëthemeluese e Platformës së Shëndetit Mendor “BLISS”

Diskutim - P&P

## PALLATI I KONGRESEVE - SALLA OVALE

11<sup>00</sup> - 12<sup>30</sup>

### PANELI 4

#### KËNDI I LIBRIT - “LIBRI SI URË IDENTITETI”

EKSPOZITË KOLEKSIONESH NGA BIBLIOTEKA KOMBËTARE

Nën kujdesin e Ministrisë së Turizmit, Kulturës dhe Sportit, me pjesëmarrjen e shkrimtarëve dhe studiuesve më në zë të kohës, ky panel vendos në qendër rolin e librit si një mjet thelbësor për ruajtjen dhe transmetimin e identitetit kulturor dhe gjuhësor shqiptar, veçanërisht në diasporë. Ai trajton mënyrat se si letërsia, botimet dhe leximi në gjuhën shqipe shërbejnë si ura lidhëse mes brezave dhe mes atdheut dhe komuniteteve shqiptare jashtë vendit. Paneli synon të nxisë diskutime mbi promovimin e autorëve shqiptarë, shpërndarjen e librave në diasporë dhe krijimin e hapësirave që mbështesin kulturën e leximit. Në këtë kontekst, theksohet se libri nuk është vetëm një burim dijesh, por edhe një mjet i fuqishëm për të ruajtur rrënjët, për të forcuar përkatësinë dhe për të mbajtur gjallë identitetin shqiptar në çdo cep të botës.

Moderator: **Znj. Majlinda Toçi, Biblioteka Kombëtare e Shqipërisë**

Panelistë:

- **Z. Besnik Mustafaj** - Shkrimtar dhe diplomat
- **Z. Primo Shllaku** - Shkrimtar dhe studiues
- **Znj. Dhurata Shehri** - Studiuese e letërsisë
- **Z. Vehbi Miftari** - Studiues dhe diplomat
- **Znj. Rita Petro** - Botuese dhe poete
- **Z. Blendi Lami** - Studiues i komunikimit

Diskutim, P&P

12<sup>30</sup> - 13<sup>30</sup>

### DREKË

## PALLATI I KONGRESEVE - HOLLI KRYESOR

13<sup>45</sup> - 15<sup>00</sup>

### PANELI 5

## DIASPORA MBARËSHQIPTARE: A PO BËJMË CFARE DUHET BASHKARISHT?

Organizuar nga Ministria për Evropën dhe Punët e Jashtme, paneli fokusohet në nevojën për një qasje të përbashkët dhe të mirë koordinuar ndërmjet Shqipërisë, Kosovës dhe përfaqësuesve shqiptarë në vendet e tjera të rajonit në raport me diasporën. Diskutimi do të theksojë rëndësinë e harmonizimit të politikave, shkëmbimit të praktikave më të mira dhe krijimit të mekanizmave të përbashkët institucionalë që fuqizojnë rolin e diasporës në zhvillimin ekonomik, kulturor dhe politik. Paneli synon të analizojë sfidat që lidhen me fragmentimin institucional dhe mungesën e koordinimit, duke nxitur reflektim mbi mënyrat konkrete se si aktorët shqiptarë mund të veprojnë më të bashkuar për të maksimalizuar potencialin e diasporës. Në këtë kuadër, synohet të theksohet se vetëm përmes bashkëpunimit të qëndrueshëm dhe një vizioni të përbashkët mund të arrihet një angazhim më efektiv dhe gjithëpërfshirës i diasporës mbarë shqiptare.

Moderator: **Znj. Rudina Xhunga, Gazetare**

Panelistë:

- **Z. Ferit Hoxha** - Ministër për Evropën dhe Punët e Jashtme
- **SH.T.Z. Glauk Konjufca** - Zëvendëskryeministër i Parë dhe Ministër i Punëve të Jashtme dhe Diasporës së Republikës së Kosovës
- **Z. Ali Ahmeti** - Kryetar i Bashkimit Demokratik për Integrim/BDI-së, RMV
- **Z. Dritan Abazovic** - Ish Kryeministër dhe deputet Mali i Zi
- **Z. Arbër Gashi** - Deputet në Parlamentin suedez
- **Z. Lazim Destani** - Kryetar i Këshillit Koordinues të Diasporës

Diskutim - P&P

## PALLATI I KONGRESEVE - HOLLI KRYESOR

15<sup>15</sup> - 16<sup>30</sup>

### PANELI 6

## MËSIMI DIGJITAL DHE STANDARDIZIMI I GJUHËS SHQIPE NË DIASPORË

Nën kujdesin e Ministrisë së Arsimit dhe Shkencës, paneli trajton rëndësinë e përdorimit të teknologjisë për ruajtjen, mësimin dhe përhapjen e gjuhës shqipe tek brezat e rinj që jetojnë jashtë vendit. Ai fokusohet në zhvillimin e platformave digjitale, aplikacioneve dhe kurrikulave të unifikuara që ndihmojnë në mësimin efektiv të gjuhës, duke respektuar standardin letrar dhe duke shmangur fragmentarizmin gjuhësor. Paneli gjithashtu analizon sfidat që lidhen me materialet mësimore të standardizuara, trajnimin e mësuesve dhe koordinimin ndërinstytucional, si dhe rolin e komuniteteve të diasporës në këtë proces. Në thelb, diskutimi synon të theksojë se përmes mjeteve digjitale dhe një qasjeje të harmonizuar mund të sigurohet ruajtja e identitetit gjuhësor dhe kulturor, duke forcuar lidhjen e diasporës me rrënjët e saj.

Moderator: **Znj. Mimoza Hysa**, Drejtore e Qendres së Botimeve të Diasporës

Key note: **Znj. Mirela Kumbaro Furrxhi**, Ministër i Arsimit ( 10 min)

Panelistë:

- **Znj. Drita Gjongecaj** - Mësuese e gjuhës shqipe në Nju Jork, SHBA Anëtare e KKD
- **Z. Ragip Zekolli** - Bashkëautor i kurrikulave në gjuhën shqipe, Belgjikë
- **Znj. Linda Mëniku** - Profesore ne FHF dhe Gjuhëtare
- **Z. Stavri Dajo** - Pedagog, Instituti i Studimeve Ballkanike, Selanik
- **Prof. Dr. Jusuf Zejneli** - Rektori Universitetit të Tetovës
- **Z. Mevlan Ademaj** - Lëvizje Studentore në MV për mbrojtjen e Gjuhës Shqipe në Universitete

Diskutim - P&P

## PALLATI I KONGRESEVE - SALLA E ALBANOLOGJISË

14<sup>30</sup> - 16<sup>00</sup>

### PANELI 7

#### DIASPORA DHE KËRKIMI SHKENCOR - PROGRAMI READ

Nën kujdesin e Ministrisë së Arsimit dhe Shkencës, paneli trajton rolin e diasporës akademike shqiptare në avancimin e kërkimit shkencor dhe zhvillimit të arsimit të lartë në hapësirën shqiptare. Ai fokusohet në mundësitë që ofron Programi READ për të krijuar ura bashkëpunimi mes studiuesve në diasporë dhe institucioneve vendase, duke nxitur projekte të përbashkëta kërkimore, shkëmbim njohurish dhe rritje të kapaciteteve akademike. Paneli gjithashtu analizon sfidat që lidhen me integrimin e këtij potenciali, si infrastruktura kërkimore bashkëkohore apo koordinimit institucional, dhe do të tentojë të propozojë mënyra për t'i adresuar ato në mënyrë efektive. Diskutimi synon të theksojë se angazhimi i diasporës shkencore është një aset i çmuar për modernizimin e kërkimit dhe për rritjen e cilësisë në arsimin dhe inovacionin në vend.

Moderator: **Znj. Armela Baka, Zëvendësministër i Arsimit**

Panelistë:

- **Znj. Eglantina Kalluçi** - Dekane e Fakultetit të Shkencave të Natyrës, UT
- **Z. Arben Merkoçi** - Profesor i Nanoteknologjisë, Spanjë
- **Znj. Enkelejda Kapia** - Profesore Katedra e Gjuhës Shqipe, Mynih
- **Z. Andi Hoxhaj** - Doktor shkencash në Drejtësi, Angli.
- **Z. Dhori Qirjazi** - Profesor i Linguistikës, Greqi
- **Z. Evarist Stoja** - Profesor në Financë, Angli

Diskutim - P&P

## PALLATI I KONGRESEVE - SALLA E VETINGUT

14<sup>30</sup> - 16<sup>00</sup>

### PANELI 8

#### ZHVILLIMI LOKAL DHE RURAL - A KA ROL PËR DIASPORËN?

Nën kujdesin e Ministrit të Shtetit për Pushtetin Lokal, paneli trajton rëndësinë e lidhjes së ngushtë, ekonomike dhe sociale, që anëtarët e diasporës ruajnë me vendin apo zonën e tyre të origjinës. Diskutimi përqendrohet në mënyrat konkrete se si kjo lidhje mund të shndërrohet në motor zhvillimi për komunitetet lokale dhe rurale, përmes investimeve të vogla e të mesme, rikthimit të njohurive dhe përvojave, si dhe mbështetjes së iniciativave komunitare. Paneli gjithashtu analizon potencialin e diasporës për të nxitur turizmin lokal, ruajtjen e trashëgimisë dhe zhvillimin e qëndrueshëm, duke theksuar se angazhimi i tyre është më efektiv kur lidhet drejtpërdrejt me rrënjët dhe identitetin e tyre lokal. Në këtë kuadër, synohet të evidentohet se diaspora nuk është vetëm një burim i jashtëm, por një aktor i brendshëm me ndikim të drejtpërdrejtë në zhvillimin e zonave nga të cilat vjen.

Moderator: **Z. Kreshnik Kuçaj**, Gazetar, Drejtor i Infomacionit në SCAN TV

Key note: **Z. Ervin Demo**, Ministër Shteti për Pushtetin Vendor (10 min)

Panelistë:

- **Z. Fatmir Limani** - Ministër për Politikën Sociale, Demografisë dhe të Rinjve, RMV
- **Z. Gledian Llatja** - Kryetar i Bashkisë Elbasan
- **Z. Benet Beci** - Kryetar i Bashkisë Shkodër
- **Znj. Ardita Sinani** - Kryetare e Komunës së Preshevës
- **Znj. Luiza Duraki** - Zv. Kryetare e Bashkisë, Anderlecht, Belgjikë
- **Znj. Vera Mjeku** - Menaxhere Programesh dhe Analiste Politikash për Këshillin Bashkiak të Qytetit të New Yorkut
- **Qemalj Aliu** - Kryetar i Komunes Shtimje, Kosovë

Diskutim - P&P

**PALLATI I KONGRESEVE - SALLA E KONCERTEVE**

18<sup>30</sup> - 21<sup>00</sup>

**MBRËMJA GALA E SAMITIT IV TË DIASPORËS SHQIPTARE**

*Me pjesëmarrjen e të gjithë personaliteteve në Shqipëri dhe Diasporë*

## E MËRKURË - 15 APRIL

### PALLATI I KONGRESEVE - HOLLI KRYESOR

09<sup>00</sup> - 10<sup>30</sup>

#### MËNGJESI I VËLLAZËRIMIT

*Komunitet fetare në një mëngjes bekimesh për Shqipërinë*

#### PANELI 9

#### TRASHËGIMIA E SË SHENJTËS

*Ky aktivitet i veçantë si dhe tryeza që e pason, përfaqësojnë një moment reflektimi dhe bashkimi shpirtëror, ku përfaqësues të komuniteteve fetare nga të gjitha besimet mblidhen për të ndarë mesazhe paqeje, harmonie dhe shprese. Ky aktivitet thekson traditën e bashkëjetesës dhe tolerancës fetare si një nga vlerat më të çmuara të shoqërisë shqiptare, duke sjellë në vëmendje rëndësinë e dialogut ndërfaqetar dhe respektit të ndërsjellë. Përmes një atmosfere simbolike dhe përfshirëse, “Mëngjesi i Bekimeve” synon të forcojë unitetin dhe të frymëzojë angazhimin e përbashkët për të mirën e vendit, duke e konsideruar trashëgiminë shpirtërore si një themel të rëndësishëm për të ardhmen. **Pjesëmarrja në këtë aktivitet me ftesë të vecantë.***

Moderator: **Znj. Monika Stafa, Gazetare**

Kontribues:

- **Imam Dr. Rifat Alili** - Qendra Islame Shqiptare, New York dhe New Jersey
- **Dom Pjeter Popaj** - Kisha Katolike shqiptaro-amerikane "Zoja e Shkodrës" në New York (TBC)
- **Rev. Nikodhim Preston** - Peshkop i Kryedioqezës së Shqipërisë në Boston
- **Besnik Sinani** - Doktor Filozofie në Histori dhe Studime Islamike
- **Prof. Zekirija Sejdini** - Profesor i teologjisë islame, Universiteti i Vjenës
- **Hafiz Mehas Alija** - Kryetar i Komunitetit Mysliman Shqiptar në Zvicër
- **Imam Laurent Ibra** - Sekretar i Përgjithshëm i Unionit të Qendrave Islame Shqiptare në Gjermani
- **Komuniteti Arbëresh**

## PALLATI I KONGRESEVE - SALLA OVALE

11<sup>00</sup> - 12<sup>30</sup>

### PANELI 10

#### HISTORITË QË NA LIDHIN DHE NA FORCOJNË (PTV)

*Paneli do të ketë në qendër rrëfimet personale dhe përvojat frymëzuese të disa zonjave të njohura nga bota shqiptare, të cilat kanë lënë gjurmë në fusha të ndryshme brenda dhe jashtë vendit. Përmes historive të tyre, theksohet forca e lidhjeve njerëzore, identiteti i përbashkët dhe roli i gruas në ndërtimin e urave mes komuniteteve. Ky diskutim synon të frymëzojë, të fuqizojë dhe të krijojë një ndjenjë solidariteti, duke treguar se si përvojat individuale mund të shndërrohen në burim motivimi dhe bashkëpunimi për të ardhmen.*

**Moderator: Znj. Megi Fino, Zëvendësministër për Evropën dhe Punët e Jashtme**

## BANKA E SHQIPËRISË | ISH-HOTEL DAJTI

10<sup>0</sup> - 11<sup>15</sup>

### PANELI 11

## DIASPORA SHQIPTARE SI PARTNER STRATEGJIK PËR INTEGRIMIN EVROPIAN DHE ZHVILLIMIN E QËNDRUESHËM

Nën kujdesin e Ministrit të Shtetit dhe Kryenegociator, paneli synon të trajtojë në mënyrë të strukturuar rolin e diasporës shqiptare si një aktor strategjik në përshpejtimin e integritimit evropian dhe në mbështetjen e zhvillimit të qëndrueshëm të vendit. Diskutimi pritet të fokusohet në identifikimin e prioriteteve kryesore ku kontributi i diasporës mund të ketë ndikim të drejtpërdrejtë, si dhe në mënyrat konkrete të integritimit të këtij potenciali në politikat publike dhe në proceset e përafrimit me Bashkimin Evropian. Qëllimi i panelit është të ofrojë një drejtim të qartë strategjik, duke nxitur një qasje më të koordinuar ndër-institucionale dhe duke orientuar angazhimin e diasporës drejt mekanizmave të qëndrueshëm, të matshëm dhe të zbatueshëm.

Moderator: **Z. Eriseld Zeneli**, Zyrtar, *Burimet Njerëzore në Parlamentin Evropian në Luksemburg*

Panelistë:

- **Znj. Majlinda Dhuka** - Ministër Shteti dhe Kryenegociatore
- **Znj. Natasha Ahmeti** - Zëvendësguvernatore, Banka e Shqipërisë
- **Znj. Adea Pirdeni** - Ministër Shtetit për Administratën Publike dhe Antikorrupsionin
- **Znj. Elona Ajazi** - Drejtor i Departamentit të Politikave dhe Integritimit Evropian në KM

## PALLATI I KONGRESEVE - SALLA E VETINGUT

10<sup>00</sup> - 11<sup>30</sup>

### PANELI 12

#### **BOTA ARBËRESHE**

*Paneli i kushtohet trashëgimisë së pasur kulturore, historike dhe gjuhësore të komuniteteve arbëreshe, si një pjesë e rëndësishme e identitetit mbarëshqiptar. Ai trajton ruajtjen ndër shekuj të traditave, gjuhës dhe zakoneve shqiptare në diasporën historike, si dhe sfidat që lidhen me përcjelljen e këtij identiteti tek brezat e rinj. Paneli gjithashtu nxjerr në pah rolin e arbëreshëve si urë lidhëse mes kulturës shqiptare dhe asaj evropiane, duke theksuar rëndësinë e bashkëpunimit kulturor, akademik dhe institucional për të mbështetur dhe promovuar këtë trashëgimi unike. Në thelb, diskutimi synon të vlerësojë kontributin e botës arbëreshe në ruajtjen e identitetit kombëtar dhe në pasurimin e mozaikut kulturor shqiptar.*

*Moderator: **Znj. Diana Kastrati**, Drejtore Ekzekutive e QSPA-së*

*Panelistë:*

- **Znj. Fernanda Pugliese** - Sporteli gjuhësor, Molise
- **Znj. Sabrina Rasom** - Funkcionare e Institut Cultural Ladin e Biblioteca, Alto Adige
- **Z. Lorenzo Lonoce** - Këshilltar komunal për mbrojtjen e gjuhës dhe kulturës arbëreshe në San Marzano di San Giuseppe - Puglia
- **Znj. Erilda Selaj** - Drejtoresha e Qendrës Kombëtare të Veprimtarive Tradicionale
- **Znj. Geri Ballo** - Presidente e “Made in Arberia”
- **Z. Rosario Petta** - Kryetar Bashkie në “Piana degli Albanesi”, Komuna Arbëreshe në Itali
- **Z. Leandro Ventura** - Drejtor i Institutit të Trashëgimisë Jomateriale në Ministrinë Italiane të Kulturës

*Diskutim P&P*

## PALLATI I KONGRESEVE - SALLA E VETINGUT

11<sup>45</sup> - 13<sup>00</sup>

### PANELI 13

#### IDENTITETI KOMBËTAR DHE QENDRAT KULTURORE

*Institucionalizimi i diplomacisë kulturore: CulturALb dhe rrjeti i ri i qendrave kulturore.*

Paneli fokusohet në rolin kyç që qendrat kulturore luajnë në ruajtjen dhe promovimin e identitetit kombëtar në diasporë. Diskutimi trajton mënyrat se si vizioni për krijimin e hapësirave kulturore shqiptare jashtë vendit mund të konkretizohet përmes modeleve të suksesshme ndërkombëtare, bashkëpunimit institucional dhe përfshirjes së komuniteteve lokale. Paneli analizon sfidat praktike në ngritjen dhe funksionimin e këtyre qendrave, si financimi, menaxhimi dhe programimi kulturor, duke sjellë shembuj dhe përvoja që mund të përshtaten në kontekstin shqiptar. Në thelb, synohet të theksohet se qendrat kulturore janë më shumë se hapësira fizike ato janë ura që lidhin brezat me rrënjët e tyre dhe promovojnë kulturën shqiptare në një dimension global.

Moderator: **Z. Eljan Tanini, Gazetar, Drejtor i Arkivit Qendror Shtetëror të Filmit**

Key note: **Z. Blendi Gonxhja, Ministër i Turizmit, Kulturës dhe Sportit**

Panelistë:

- **Znj. Lira Pipa** - Zëvendësministre e Turizmit, Kulturës dhe Sportit
- **Znj. Arta Marku** - Drejtuese e Qendrës Kombëtare të Librit dhe Leximit
- **Znj. Anila Hyka Smørgrav**, anëtare e KKD, Bashkëthemeluese dhe Drejtuese e Qendrës Kulturore shqiptare “28-11”
- **Z. Lutfi Vata** - Shoqata "Ardhmëria" në Londër

Diskutim P&P

13<sup>00</sup> - 14<sup>00</sup>

### DREKË

## PALLATI I KONGRESEVE - SALLA E ALBANOLOGJISË

14<sup>15</sup> - 15<sup>30</sup>

### PANELI 14 RRËNJË DHE UDHËTIME

*Nga trashëgimia autentike tek eksperiencat globale: turizmi si urë mes identitetit kulturor dhe zhvillimit ekonomik*

*Ky panel i dedikohet rolit dhe kontributit të diasporës shqiptare në zhvillimin e turizmit, duke sjellë në vëmendje përvojat dhe praktikat më të mira nga profesionistë që jetojnë dhe punojnë jashtë vendit. Pjesëmarrësit, përfshirë sipërmarrës në fushën e restoranteve dhe ekspertë të turizmit, do të ndajnë modele të suksesshme dhe mësim të vlefshme nga tregjet ndërkombëtare. Diskutimi do të fokusohet në mënyrat se si këto përvoja mund të përshtaten në Shqipëri për të rritur cilësinë e shërbimeve dhe për të forcuar bashkëpunimin me institucionet vendase. Një vëmendje e veçantë do t'i kushtohet përvojës në gastronomi dhe rolit të kuzhinës shqiptare në tërheqjen e turistëve të huaj. Paneli do të trajtojë gjithashtu sfidat dhe mundësitë për krijimin e urave më të forta bashkëpunimi mes diasporës dhe aktorëve lokalë. Përmes shembujve konkretë dhe historive të suksesit, ai synon të ofrojë ide dhe rekomandime praktike për zhvillimin e qëndrueshëm të turizmit shqiptar.*

**Moderator: Znj. Marinela Prifti, Zëvendësministër i Turizmit, Kulturës dhe Sportit**

*Panelistë:*

- **Z. Fundim Gjepali** - Shef kuzhine dhe sipërmarrës, themelues i një rrjeti restorantesh në Tiranë dhe Romë
- **Z. Emiljano Biraku** - Sipërmarrës në sektorin e gastronomisë, drejtues i një rrjeti restorantesh në Itali
- **Znj. Blerina Ago** - Eksperte e turizmit dhe zhvillimit të destinacioneve
- **Z. Armando Muça** - Drejtues dhe ideator i platformës “Albanian Night”
- **Znj. Irda Vogli** - Sipërmarrëse në fushën e gastronomisë, themeluese e një restoranti në Kopenhagen

*Diskutim P&P*

## PALLATI I KONGRESEVE - SALLA E VETINGUT

14<sup>30</sup> - 16<sup>00</sup>

### PANELI 15

#### RRUGA PËRPARA — NGA KOMUNIKIMI TE BASHKËVEPRIMI

(Prezantimi i linjave kryesore Strategjia Kombëtare e Diasporës 2026-2030)

Nën kujdesin e Ministrisë për Evropën dhe Punët e Jashtme, paneli synon të nxisë dialogun me diasporën shqiptare përmes një shkëmbimi idesh dhe për të kaluar më pas në një partneritet konkret dhe të qëndrueshëm. Paneli do të paraqesë në vija të përgjithshme strategjinë për diasporën në Shqipëri, që është duke u hartuar, duke hapur njëkohësisht një diskutim të drejtpërdrejtë dhe gjithëpërfshirës me anëtarët e saj. Në qendër të vëmendjes qëndron roli i diasporës si një partner funksional në zhvillimin ekonomik, kulturor dhe institucional të vendit, si dhe nevoja për ndërtimin e mekanizmave efektivë të ndërveprimit me institucionet shqiptare. Përmes këtij paneli synohet të identifikohen rrugë konkrete bashkëpunimi, duke forcuar besimin, koordinimin dhe përfshirjen aktive të diasporës në proceset vendimmarrëse dhe zhvillimore.

### NËNSHKRIM MARRËVESHJE

(AGJENCIA KOMBËTARE E DIASPORËS ME AGJENCINË KOMBËTARE TË RINISË)

Moderator: **Znj. Ermonela Xhafa**, Drejtore Ekzekutive e Agjencisë Kombëtare të Diasporës

Key note: **Z. Ferit Hoxha**, Ministër për Evropën dhe Punët e Jashtme

Panelistë:

- **Znj. Klodiana Spahiu** - Zëvendëskryetare e Parlamentit shqiptar
- **Znj. Gjovalin Shkurtaç** - Akademia e Shkencave të Shqipërisë
- **Znj. Valmira Guzi** - Eksperte e brendshme e IOM për Strategjinë
- **Znj. Erinda Ndroqi** - Eksperte, vlerësuese e Strategjisë, aktuale, GIZ
- **Znj. Joniada Barjaba** - ish-studente në USA dhe ish-punonjëse në AKD
- **Z. Vaxhid Sejdiu** - Anëtar i KKD-së dhe anëtar i KKAD Këshilli Koordinues i Arsimitarëve në Diasporë

Diskutim P&P

## PALLATI I KONGRESEVE - SALLA E VETINGUT

16<sup>15</sup> - 17<sup>10</sup>

### PANELI 16

#### DIASPORA SHQIPTARE DHE SOFTPOWER-I SPORTIV EVROPIAN

Nën kujdesin e Ministrisë së Turizmit, së Kulturës dhe Sportit, paneli do të trajtojë rolin gjithnjë në rritje të sportit si një instrument i fuqishëm i diplomacisë publike dhe i promovimit të imazhit të Shqipërisë në Evropë dhe më gjerë. Ai fokusohet në kontributin e sportistëve shqiptarë në diasporë, të cilët përmes arritjeve të tyre ndërkombëtare shërbejnë si përfaqësues natyralë të vendit, duke forcuar identitetin kombëtar dhe duke rritur vizibilitetin e Shqipërisë në arenën globale. Paneli gjithashtu analizon mënyrat se si ky potencial mund të strukturohet dhe mbështetet institucionalisht, përmes bashkëpunimit ndërmjet institucioneve, federatave sportive dhe vetë diasporës, për të kthyer suksesin individual në një aset strategjik të “soft power”-it shqiptar. Në këtë kuadër, synohet të theksohet se sporti nuk është vetëm garë dhe performancë, por edhe një mjet i rëndësishëm për ndërtimin e urave kulturore, forcimin e diplomacisë dhe afirmimin e Shqipërisë në Evropë.

Moderator: **Z. Kolë Gjeloshaj**, Drejtues i organizatave sportive ndërkombëtare, Belgjikë

Panelistë:

- **Z. Endrit Hoxha** - Zëvendësministër i Turizmit, Kulturës dhe Sportit
- **Z. Armando Duka** - President i Federatës Shqiptare të Futbollit
- **Z. Altin Lala** - Ish-kapiten i Kombëtares Shqiptare
- **Z. Lorik Cana** - Ish-futbollist dhe kapiten i Kombëtares Shqiptare
- **Znj. Erblira Bici** - Sportiste profesionale e volejbollit

Diskutim P&P

## TEATRI KOMBËTAR I OPERAS, BALETIT DHE ANSAMBLIT KOMBËTAR

17<sup>00</sup> - 18<sup>15</sup>

### PANELI 17

## ZËRAT E DIASPORËS - KRIJIMTARIA, IDENTITETI DHE FRYMA SHQIPTARE NË ARTIN BASHKËKOHOR

*Nën kujdesin e Ministrisë së Turizmit, së Kulturës dhe Sportit, paneli fokusohet në rolin e artistëve shqiptarë në diasporë si bartës dhe interpretues të identitetit kulturor në një kontekst global. Ai trajton mënyrën se si krijimtaria artistike shërben si një urë lidhëse mes rrënjëve dhe realiteteve të reja, duke reflektuar përvojat, sfidat dhe pasuritë e një identiteti në lëvizje. Paneli nxjerr në pah ndikimin e këtyre zërave në skenën ndërkombëtare të artit, si dhe potencialin e tyre për të promovuar kulturën shqiptare përmes formave bashkëkohore të shprehjes. Në këtë kuadër, synohet të theksohet se arti i diasporës nuk është vetëm një formë individuale krijimi, por një hapësirë kolektive që ruan, transformon dhe afirmon frymën shqiptare në botë.*

*Panelistë:*

- **Z. Aulon Naçi** - Drejtor i Përgjithshëm i TKOBAP-së
- **Z. Gëzim Myshketa** - Bariton
- **Z. Salvadore Frega** - Kompozitor
- **Znj. Anbeta Toromani** - Balerinë
- **Znj. Marigona Qerkezi** - Soprano

*Pjesë e veçantë: Përshëndetje artistike nga pjesëmarrësit*

**AKTIVITETE NË AMBIENTET E PALLATIT TË KONGRESEVE  
14 - 15 PRILL 2026**

-  **KËNDI i MUZEUT BESA (MTKS)**
-  **B2B - DIASPORA BUSINESS HUB/ RRJETI I BIZNESEVE TË DIASPORËS DHE SHOQATA**
-  **NETWORKING & PITCHINGS**
-  **HAPËSIRA PRODUKTE ‘MADE IN ALBANIA’**
-  **KËNDI I TRASHËGIMISË/STENDA E TRADITËS POPULLORE**
-  **PREZANTIME TË PROJEKTEVE PËR DIASPORËN (PROJEKTI NOW/ KANADA etj)**
-  **PROGRAM EDUKATIV PËR FËMIJË** (breznitë e folklorit (edicioni i parë arbëresh) drejtuar dhe moderuar nga QKVT dhe pop arbëresh)
-  **DOKUMENTARË**
-  **EKSPOZITË ME MATERIALET E PËRZGJEDHURA NGA ARKIVI I MINISTRISË PËR EVROPEN DHE PUNËT E JASHTME**
-  **TA BËJMË ATDHEUN TËRHEQËS PËR PROFESIONISTËT E TEKNOLOGJISË SË LARTË**
-  **STARTUP-ET SHQIPTARE QË SHKOJNË GLOBAL, PIRAMIDA**
-  **HAPËSIRA INFORMUESE PËR PROGRAMET E DIASPORËS**
-  **MEDIA/VIDEO CORNER**